

醫
學
評
害

子
書
七

醫
學
辨
害

亨玉



七

醫學辯書卷第三

南紀弱山

宇治田雲菴

五行類

五行總論第一

通書云無極而太極非太之外別有所謂無極也。一太極而生兩儀兩儀爲清濁爲陰陽陰陽生五行五行生萬象萬象各有一五行五行一陰陽也陰陽一天地也天地一太極也是以天地謂之太乾坤人身謂之小乾坤天地有五行

人身亦有之欲知人身當知天地善知而法之
人身無不明乃以其理相同而道相同也夫五
行相爲其道謂之相生相尅尅者是殺之漸故
又謂之相殺在天則爲氣風熱濕燥寒在地則
爲形木火土金水形氣相合而生萬物形氣相
離而殺萬物是此相生相殺乃相爲始終之道
也又假令風木欲衰寒水能生之風木欲亢燥
金能殺之五行更迭如此無太過無不及四時
得序萬物得化是此相生相殺乃相爲其常之

道也。張介賓曰：造化之幾不可無，生亦不可無。制無生則發育無由，無制則亢而爲害，生尅循環運行不息而天地之道斯無窮已。此之謂也。又假令風木欲亢，寒水妄生之，風木欲衰，燥金妄殺之，五行更迭如此，爲太過爲不及，四時失序，萬物失化，是此相生相殺乃相爲其變之道也。故自其常而觀之，殺亦有能制，亢有爲生育之道，自其變而觀之，生亦有妄助，亢有殺伐之道。皆是五行自然相爲妙用者也。凡人身表裏精

粗無非和爲此妙用和爲其常則藏府相和氣
血相調無虛無實長不致病相爲其變則藏府
不和氣血不調或虛或實遂以致病故調治之
法補母瀉子瀉南方補北方氣運補瀉先取化
源氣味宜忌等亦盡立於此醫讀書者無不知
之其治誤補瀉而害人是以徒知而未能明也
今醫不讀書者未會有知之不當補而補之不
當瀉而瀉之其妄害人不亦宜乎予按初無五
行則無事物無事物則天下無道天下有道可

見所以有五行也故聖賢由此而論道儒賢由此而知道儒不明於此不能以施教賢不明於此不能以施治悲哉今賢不明於此而害人甚多也後世儒賢明焉明焉

五行紀四柱論第二

夫天爲陽地爲陰陽中又有陰陽陰中又有陰陽故天有十日而立十地有十二月而立十二支甲丙戊庚壬爲陽中之陽乙丁己辛癸爲陽中之陰子寅辰午申戌爲陰中之陽丑卯巳

未酉亥爲陰中之陰甲乙寅卯爲木之陰陽丙
丁巳午爲火之陰陽戊己辰戌丑未爲土之陰
陽庚辛申酉爲金之陰陽壬癸亥子爲水之陰
陽年月日時四柱皆由此而紀之是卽陰陽五
行所以相爲運行也其爲運行有吉有凶當擇
而助養生之道年月是遠於日時時是近而在
日中故其所擇日爲切而時次之內經曰手太
陰氣絕則丙篤丁死又曰肺病者愈在壬癸壬
癸不愈加於丙丁丙丁不死持於戊己起於庚

辛又曰肺病者下哺慧日中甚夜半靜其餘經
藏亦皆如此是非日爲切而時次之乎予顧有
病而避害是人所難忽無病而避害是人所易
忽其所易忽而不忽爲養生之至要是治病於
未生之前也凡人不知其至要因循容身於不
謹有病則避害豈不甚晚乎予嘗觀凶日最能
爲害黑日滅日沒日八專日是也此日生病或
重或死或其不死亦久不愈故予於此日安神
休形最忌姪慾能節飲食一切爲傷之事欲無

微以犯之又謂人以其爲害人忽而不能避之
滅日沒日其間甚遠人其不知之亦宜也黑日
一名曰受死日萬事最爲當避之日每月或二
日或三日其間相近人多知之八專其間甚近
在十二日之中故頻以爲害人能知之常有病
者增劇有宿疾者發動曰吾無曆而知八專世
人能知其誠如此其知而不避之自侮其身者
也夫甲子六十日之間五行專一而不相錯爲
之八專日其氣偏亢而不和平人氣亦從而平

和平故常有病者增劇有宿疾者發動無病之人卒而生病亦是其氣不和平也今不能擇如此日間有生病至死者予親見其人奚不言焉乎

五行順行逆行論第三

王達曰萬物之所爲以生者必由氣氣者何金也金受氣順行則爲五行之體逆行則爲五行之用順行爲五行之體者金生水水生木木生火火生土冬至起曆之元自冬而春春而夏夏

而長夏長夏而歸於秋返本歸原而收斂也逆
行爲五行之用者金出鑛而從革于火以成財
成財則爲有生之用然火非木不生必循木以
繼之木必依水以滋榮水必托土以止畜故木
而水水而土是則四行之類土以定位故大撓
作用于分配五行爲納音蓋金能受聲而宜氣
故也又引納音之法及五子歸庚之說曰乃知
金者受氣之先順行則爲五行之體逆行則爲
五行之用故六十甲子納音者以充萬物之用

也予按風熱濕燥寒生長化收藏近以順行一
日十二時遠以順行一歲十二月天地萬物造
化之間其能爲用莫大乎此何以可謂之體乎
王氏忘此太用曰順行爲五行之體是大誤也
又曰逆行爲五行之用其序以金火木水土是
本欲合納音之序也故後文曰太撓作用子分
配五行爲納音蓋金能受聲而宜氣故也予觀
王氏之言五行之中金以成財爲有生之用是
不出於自然而出於人爲其餘皆是不出於人

爲而出於自然其義不相均乃牽合之說也上古伏羲畫八卦其本生乎四象四象其本生乎兩儀兩儀其本生乎一太極一分爲二二分爲四四分爲八其數成卦而爲序其卦有五行之象一乾二兌爲金三離爲火四震五巽爲木六坎爲水七艮八坤爲土自乾至坤皆得未生之卦若逆推四時之比也故說卦傳曰天地定位山澤通氣雷風相薄水火不相射八卦相錯數往者順知來者逆是故易逆數也此所謂逆數

是自然之序不假智力而爲妙用者也太撓納
音之序得默契此易數聖哲歸一之旨是也安
有一毫爲牽合之說乎噫乎王氏此說之病其
根亦是起於見氣而直爲金故又終日乃知金
者受氣之先順行則爲五行之體逆行則爲五
行之用故六十甲子納音者以充萬物之用也
其見氣直爲金之義立論於後學者宜互見焉
欲知運氣當明五行論第四

夫天地之間有運氣是以有木火土金水也其

氣有六是以其火有一也其立運以十于立氣
以十二支是以五行各自有陰陽也其陽爲本
過其陰爲不及是卽陽有餘陰不足之道也故
四時所行寒熱溫涼有爲早晏盛衰之變其變
感人以致傷必有爲流行之病岐黃問答以立
其論明內經者當知應見矣張介賓曰或疫氣
偏行而一方皆病風溫或清寒傷藏則一時皆
犯瀉痢或痘疹盛行而多凶多吉期各不同或
疔毒偏生而是陰是陽每從其類或氣急欬嗽

丁卿金興或筋骨疼痛人皆道苦或時下多有
中風或前此盛行痰火諸如此者以衆人而患
同病謂非運氣之使然歟予今見民間所患歷
歷如張氏之言小則止於一家一邑大則及於
天下之廣欲治其病者當明五行岐黃所論無
外於五行五行不明運氣不明補瀉溫涼之差
豈可無殺人者乎內經曰不知年之所加氣之
盛衰虛實之所起不可以爲工矣又曰必先歲
氣無伐天和無盛盛無虛虛又曰無失天信無